

XIX CONCURSO "CONDAU DE RIBAGORZA"

Modalidad: Poesía

Título: ESPURNAS

1) Medros

El viache empieza con pllosos. Si no plloras te fan pllorar.

Viens desnudo.

Trobat-te en ixé camino d'un único destino, el

de mai tornar,

has de seguir el paso que marca'l tiempo, sin remedio.

No cal badar.

I no vas solo, ñ'hai prou chen que camina a la par, con tu.

Si cai alguno

se va fundín en la Naturaleza, se desfá i l'abona.

La carcaza,

ya desocupada, a la tierra torna i se reintegra

chuntant-se a otras.

É el tuyo aliento el que sigue en la filera,

I fent rastro,

simiente esparcirá i fará pllantero, plleno d'energia

pa'l futuro...

Tornant-se lluz, in enta la lluz, i con ella fundint-se

creará del hoy,

sólo si está en la memoria dels que fant camin chuntos,

más historia.

2) Rebullons de vida

Rebullons de vida que costa digerir.

Rebullons que ni remuixaus

se mos tornan comestibles.

Que mos dan ansias, de tan empalagosos.

Rebullons que no alimentan,

que devoras con engrucia  
onque te farten i t'embafen els sentius.  
Una droga a la que t'azoras  
I que si no en tiens, no tartes  
I que no puez dixer de jalar i jalar.  
Rebullons que mos van tornant  
a toz mas llocos que cuerdos,  
perque no mos dixer que veigam mas allá  
de como chiran i chiran  
sin descanso las sayetas  
i como llunas i mas llunas, se turnan  
con sols i mas sols, al cielo.  
La vida feita rebullons  
a medio embolicar en papel de diario,  
metida endentro una alforcha  
prestada, rebutiente, é una segunda pell  
que mai mos dixerá de tot.  
Rebullons, ixes rebullons verenosos,  
ixes rebullons compartius,  
que te s'ofrecen adornaus, formateaus,  
pizquinos...son regalos  
que una vez ubiertos no te dixer tartir  
i encetaus se tornan puercos.  
Puercos i endemoniaus que te fan a dintro  
niedo, rebullons de vida  
pa pudrir la entraña, pa intoxicar l'alma,  
pa comer-te-se l'alegría...  
Rebullons de vida que hem de ir rechirarán  
hasta aprender a desfer-los,  
arrancant de cuajo tot el que els espesa  
unque nafre el estira-los.  
I vacía, l'alforcha, tornar-le-ne a l'amo.

